

庾開府詩集

明朱日藩輯刻

怡齋珍藏

庾開府詩集序



予家故有抄本庾信詩二卷卷次無序且篇章
重復字畫舛脫盖好事家所藏備種數者爾戊
戌冬讀禮環樓之東閣偶誦信哀江南賦傷焉
因取是本爲之校讎本內周圓丘方澤五帝宗
廟大禘五聲調曲諸樂章則考之隋書音樂志
郭茂倩樂府詩集等書五七言諸詩則考之藝
文類聚初學記文苑英華等書凡增入詩十二
首非信詩刪去者二首竄正字三百四十有奇
其不可考者姑仍之釐爲六卷可繕寫取後周

書信本傳置諸首題曰庾開府詩集按隋唐書藝文志皆載庾信集二十卷或曰二十一卷而文獻通考陳氏則曰信在揚都有集四十卷及江陵又有三卷皆兵火不存今集止入魏以來所作乃知予家所有直魏以後詩耳然亦未知能備否也信他文賦徃徃雜見不暇編輯且意是二十卷人間尚有藏者姑校讐其詩如此哀江南賦今見本傳中信南人流滯異國雖位望通顯而鄉關之思終身不置是故其言有足傷者信又有望渭水詩樹似新亭岸沙如龍尾灣

猶言吟暎浦應有落帆還寄徐陵詩故人儻思我及此平生時莫待山陽路空聞吹笛悲亦可傷沛國朱曰藩序

周書庾信傳

庾信字子山南陽新野人也祖易齊徵士父肩吾梁散騎常侍中書令信幼而俊邁聰敏絕倫博覽群書尤善春秋左氏傳身長八尺腰帶十圍容止頽然有過人者起家湘東國常侍轉安南府參軍時肩吾為梁太子中庶子掌管記東海徐摛為左衛率摛子陵及信竝為抄撰學士父子在東宮出入禁闈恩禮莫與比隆既有盛才文竝絳豔故世號為徐庾體焉當時後進競相模範每有一文京都莫不傳誦累遷尚書度

移任
下
外
者
此

支郎中通直正員郎出爲郢州別駕尋兼通直散騎常侍聘于東魏文章辭令盛爲鄴下所稱還爲東宮學士領建康令侯景作亂梁簡文帝命信率宮中文武千餘人營於朱雀航及景至信以衆先退臺城陷後信奔于江陵梁元帝承制除御史中丞及即位轉右衛將軍封武康縣侯加散騎常侍來聘于我屬大軍南討遂留長安江陵平拜使持節撫軍將軍右金紫光祿大夫大都督尋進車騎大將軍儀同三司孝閔帝踐祚封臨清縣子邑五百戶除司水下大夫出

爲弘農郡守遷驃騎大將軍開府儀同三司司憲中大夫進爵義城縣侯俄拜洛州刺史信多識舊章爲政簡靜吏民安之時陳氏與朝廷通好南北流寓之士各許還其舊國陳氏乃請王褒及信等十數人高祖唯放王克殷不害等信及褒竝惜而不遣尋徵爲司宗中大夫世宗高祖竝雅好文學信特蒙恩禮至於趙滕諸王周旋款至有若布衣之交羣公碑誌多謝請託唯王褒頗與信相埒自餘文人莫有逮者信雖位望通顯常有鄉關之思乃作哀江南賦以至其

意云其辭曰粵以戊辰之年建亥之月大盜移國金陵瓦解余乃竄身荒谷公私塗炭華陽奔命有去無歸中興道銷窮于甲戌三日哭於都亭三年囚於別館天道周星物極不反傳燹之但悲身世無所求生袁安之每念王室自然流涕昔桓君山之志事杜元凱之生平並有著書咸能自序潘岳之文彩始述家風陸機之詞賦先陳世德信年始二毛即逢喪亂貌是流離至于暮齒燕歌遠別悲不自勝楚老相逢泣將何及畏南山之雨忽踐秦庭讓東海之濱遂殮周

粟下亭漂泊臯橋羈旅楚歌非取樂之方魯酒無忘憂之用追爲此賦聊以記言不無危苦之辭唯以悲哀爲主日暮途遠人間何世將軍一去大樹飄零壯士不還寒風蕭瑟荆壁睨柱受連城而見欺載書橫階捧珠盤而不定鐘儀君子入就南冠之囚季孫行人留守西河之館申包胥之頓地碎之以首蔡威公之淚盡加之以血釣臺移柳非玉關之可望華亭喚鶴豈河橋之可聞孫策以天下爲三分衆裁一旅項羽用江東之子弟人唯八千遂乃分裂山河宰割天

下豈有百萬義師一朝卷甲芟夷斬伐如草木
焉。江淮無涯岸之阻。亭壁無藩籬之固。頭會箕
歛者。合從締交。鉏耰棘矜者。因利乘便。將非江
表王氣。應終三百年乎。是知并吞六合。不免軼
道之災。混一車書。無救平陽之禍。嗚呼。山嶽崩
頽。旣履危亡之運。春秋迭代。必有故去之悲。天
意人事。可以悽愴傷心者矣。况復舟楫路窮。星
漢非乘槎可上。風飈道阻。蓬萊無可到之期。窮
者欲達其言。勞者須歌其事。陸士衡聞而撫掌。
是所甘心。張平子見而陋之。固其宜矣。我之掌

庾承周。以世功而爲族。經邦佐漢。用論道而當
官。稟嵩華之玉石。潤河洛之波瀾。居負洛而重
世。邑臨河而晏安。逮永嘉之艱虞。始中原之乏
主。民枕倚於墻壁。路交橫於豺虎。直五馬之南
奔。逢三星之東聚。彼凌江而建國。始播遷於吾
祖。分南陽而賜田。裂東嶽而胙土。誅茅宋玉之
宅。穿徑臨江之府。水木交運。山川崩竭。家有直
道人。多全節。訓子見於純深。事君彰於義烈。新
野有生祠之廟。河南有胡書之碣。况乃少微真
人。天山逸民。階庭空谷。門巷蒲輪。移談講樹。就

簡書筠降生世德載誕真臣文詞高於甲觀模
楷盛於漳濱嗟有道而無鳳歎非時而有麟既
姦回之顛匿終不悅於仁人王子洛濱之歲蘭
成射策之年始含香於建禮仍矯翼於崇賢遊
洊雷之講肆齒明離之胄筵既傾蠶而酌海遂
測管以窺天方塘水白釣渚池圓侍戎韜於武
帳聽雅曲於文絃乃解懸而通籍遂崇文而會
武居筮轂而掌兵出蘭池而典午論兵於江漢
之君拭圭於西河之主于時朝野歡娛池臺鍾
鼓里爲冠蓋門成鄒魯連茂苑於海陵跨橫塘

於江浦東門則鞭石成橋南極則鑄銅爲柱
則園植萬株竹則家封千戶西賚浮玉南琛沒
羽吳歛越吟荆艷楚舞草木之遇陽春魚龍之
逢風雨五十年中江表無事王歛爲和親之侯
班超爲定遠之使馬武無預於甲兵馮唐不論
於將帥豈知山嶽闐然江湖潛沸漁陽有閭左
戍卒離石有將兵都尉天子方刪詩書定禮樂
設重雲之講開士林之學談劫燼之灰飛辨常
星之夜落地平魚齒城危獸角卧刀斗於滎陽
絆龍媒於平樂宰衡以干戈爲兒戲搢紳以清

談爲廟略乘漬水以膠船馭奔駒而朽索小人則將及水火君子則方成猿鶴弊筭不能救鹽池之鹹阿膠不能止黃河之濁旣而魴魚頰尾四郊多壘殿狎江鷗官鳴野雉湛盧去國餘艤失水見被髮於伊川知其時爲戎矣彼姦逆之熾盛久遊魂而放命犬則有鯨有鯢小則爲梟爲獍負其牛羊之力凶其水草之性非玉燭之能調豈璿璣之可正值天下之無爲尚有欲於羈縻飲其琉璃之酒賞其虎豹之皮見胡桐於大夏識烏卵於條支豺牙密厲虺毒潛吹輕九

鼎而欲問聞三山而遂窺始則王子召戎奸臣介冑旣官正而離邊遂師言而泄漏望廷尉之逋囚反淮南之窮寇飛狄泉之蒼鳥起橫江之困獸地則石鼓鳴山天則金精動宿北闕龍吟東陵麟鬪爾乃桀黠構扇憑陵畿甸擁狼望於黃圖填盧山於赤縣青袍如草白馬如練天子履端廢朝單于長圍高晏兩觀當戟千門受箭白虹貫日蒼鷹繫殿竟遭夏臺之禍遂視堯城之變官守無奔問之人于戚非平戎之戰陶侃空爭米船願榮虛搖羽扇將軍死綏路絕重圍

烽隨星落書逐鳶飛遂乃韓分趙裂鼓卧旗折
失羣班馬迷輪亂轍猛士嬰城謀臣卷舌昆陽
之戰象走林常山之陣虵奔穴五郡則兄弟相
悲三州則父子離別護軍慷慨忠能死節三世
爲將終於此滅濟陽忠壯身參末將兄弟三人
義聲俱唱主辱臣死名存身喪敵人歸元三軍
悽愴尚書多笑守備是長雲梯可拒地道能防
有齊將之閉壁無燕師之卧墻大事去矣人之
云云甲子奮發勇氣咆哮實搃元戎身先士卒
胄落魚門兵填馬窟屢犯通中頻遭刮骨功業

天枉身名埋沒或以隼翼鸚披虎威狐假沾漬
鋒鏑脂膏原野兵弱虜強城孤氣寡聞鶴唳而
虛驚聽胡笳而淚下據神亭而亡戟臨橫江而
棄馬崩於鉅鹿之沙碎於長平之瓦於是桂林
顛覆長洲糜鹿潰潰沸騰茫茫塲黷天地離阻
人神慘酷晉鄭靡依魯衛不睦競動天關爭迴
地軸探雀殼而未飽待熊蹯而詎熟乃有車側
郭門筋懸廟屋鬼同曹社之謀人有秦庭之哭
余乃假刻璽於關塞稱使者之酬對逢鄂坂之
譏嫌值彤門之征稅乘白馬而不前策青驪而

轉礙吹落葉之扁舟飄長風於上游彼鋸牙而
鈎爪又巡江而習流排青龍之戰艦闐飛鷺之
船樓張遼臨於赤壁王濬下於巴丘乍風驚而
射火或箭重而迴舟未辨聲於黃蓋已先沉於
杜侯落帆黃鶴之浦藏船鸚鵡之洲路已分於
湘漢星猶看於斗牛若乃陰陵失路鈞臺斜趣
望赤岸而霑衣艤烏江而不度雷池柵浦鵠陵
焚戍旅舍無烟巢禽無樹謂荆衡之杞梓庶江
漢之可恃淮海維揚三千餘里過漂渚而寄食
託蘆中而渡水屈于七澤濱於十死嗟天保之

鞭而問賊臣平吳之功壯於杜元凱王室是賴
深於温太真始則地名全節終則山稱枉人南
陽校書去之已遠上蔡逐獵知之何晚鎮北之
負譽矜前風颯凜然水神遭箭山靈見鞭是以
螫熊傷馬浮蛟沒鳶才子併命俱非百年中宗
之夷凶靜亂大雪冤耻去代邸而承基遷唐郊
而纂祀反舊章於司隸歸風餘於正始沉猜則
方逞其欲藏疾則自矜於已天下之事沒焉諸
侯之心搖矣旣而齊交北絕秦患西起况背關
而懷楚異端委而開吳驅綠林之散卒振驪山

之叛徒營軍梁澆蒐乘巴渝問諸淫昏之鬼求
諸厭劾之巫荆門遭廩延之戮夏口濫達泉之
誅茂因親以教愛忍和樂於彎弧既無謀於肉
食非所望於論都未深思於五難先自擅於三
端登陽城而避險卧砥柱而求安既言多於忌
刻實志勇而刑殘但坐觀於時變本無情於急
難地惟黑子城猶彈丸其怨則黷其盟則寒豈
寃禽之能塞海非愚叟之可移山况以沴氣朝
浮妖精夜殞赤烏則三朝夾日蒼雲則七重圍
軫亡吳之歲既窮入郢之年斯盡周含鄭怒楚

未定見殷憂之方始本不達於危行又無情於
祿仕謬掌衛於中軍誤尸承於御史信生世等
於龍門辭親同於河洛奉立身之遺訓受成書
之願託昔三世而無慙今七葉而方落泣風雨
於梁山惟枯魚之銜索八竒斜之小徑掩蓬藿
之荒扉就汀洲之杜若待蘆葦之單衣于時西
楚霸王劔及繁陽麾兵金匱校戰玉堂蒼鷹赤
雀鐵舳牙檣沉白馬而誓衆負黃龍而渡江海
潮迎艦江萍送王戎車屯於石城戈船掩平淮
泗諸侯則鄭伯前驅盟主則荀瑩暮至剖巢燠

穴奔魑走魅埋長狄於駒門斬蚩尤於中冀然
腹爲燈飲頭爲器直虹貫壘長星屬地昔之虎
據龍盤加以黃旗紫氣莫不隨狐兔而窟穴與
風塵而殄悴西瞻博望北臨玄圃月榭風臺池
平樹古倚弓於玉女窓扉繫馬於鳳凰樓桂仁
壽之鏡徒懸茂陵之書空聚若夫立德立言謨
明寅亮聲超於繫表道高於河上旣不遇於浮
丘遂無言於師曠以愛子而托人知西陵而誰
望非無北闕之兵猶有靈臺之伏司徒之表裏
經綸狐偃之惟王實勤橫琯戈而對霸王執金

結奏究有南風之不競值西隣之責言俄而梯
衝亂舞冀馬雲屯棧秦車於暢轂沓漢鼓於雷
門下陳倉而連弩渡臨晉而橫船雖復楚有七
澤人稱三戶箭不麗於六麋雷無驚於九虎辭
洞庭兮落木去涔陽兮極浦熾火兮焚旗貞風
兮害蠱乃使玉軸揚灰龍文折柱下江餘城長
林故營徒思掛馬之秣未見燒牛之兵章慢支
以轂走宮之奇以族行河無冰而馬度關未曉
而鷄鳴忠臣解骨君子吞聲章華望祭之所雲
夢僞遊之地荒谷縊於莫敖冶父囚於羣帥劓

穿摺拉鷹鷂批攢冤霜夏零憤泉秋沸城崩杞
婦之哭竹染湘妃之泪水毒秦涇山高越陘十
里五里長亭短亭饑隨蟄鷹暗逐流螢秦中水
黑關上泥青于時瓦解冰泮風飛電散渾然千
里溜澗一亂雪暗如沙冰橫似岸逢赴洛之陸
機見離家之王粲莫不聞隴水而掩泣向關山
而長嘆况復君在交河妾在清波石望夫而逾
遠山望子而逾多才人之憶代郡公主之去清
河柳陽亭有離別之賦臨江王有愁思之歌別
有飄飄武威羈旅金微班超生而望返溫序死

而思歸李陵之雙鳧永去蘇武之一鴈空飛若
江陵之中否乃金陵之禍始雖借人之姓加實
蕭牆之內起撥亂之主忽焉中興之宗不祀伯
兮叔兮同見戮於猶子荆山鵲飛而玉碎隨岸
蛇生而珠死鬼火亂於平林殤魂遊於新市梁
故豐徙楚實秦亡不有所廢其何以昌有媯之
後將育於姜輸我神器居爲讓王天地之大德
曰生聖人之大寶曰位用無賴之子弟舉江東
而全棄惜天下之一家遭東南之反氣以鷄首
而賜秦天何為而此醉且夫天道回旋民生賴

焉余烈祖於西晉始流播於東川泊余生而七
葉又遭時而北遷提挈老幼關河累年死生契
闊不可問天况復零落將盡靈光巋然日窮于
紀歲將復始逼切危慮端憂暮齒踐長樂之神
臯望宣平之貴里渭水貫於天門驪山廻於地
市幕府大將軍之愛客丞相平津侯之待士見
鍾鼎於金張聞絃歌於許史豈知灑陵夜獵猶
是故時將軍咸陽布衣非獨思歸王子大象初
以疾去職卒隋文帝深悼之贈本官加荆淮二
州刺史子立嗣

庾開府詩集卷一

周祀圓丘歌

昭夏

皇夏

昭夏

昭夏

皇夏

雲門舞

雲門舞

登歌

皇夏

雍樂

皇夏

皇夏

周祀方澤歌

昭夏

昭夏

登歌

皇夏

周祀五帝

皇夏

皇夏

青帝雲門舞

配帝舞

赤帝雲門舞

配帝舞

黃帝雲門舞

配帝舞

白帝雲門舞

配帝舞

黑帝雲門舞

配帝舞

周宗廟歌

皇夏

昭夏

皇夏

皇夏

皇夏

皇夏

皇夏

皇夏

皇夏

皇夏

皇夏

皇夏

周大濬歌

昭夏

登歌

周五聲調曲

宮調曲

變宮調

商調曲

角調曲

徵調曲 六首

羽調曲 五首

周祀圓丘歌

○昭夏

重陽禋祀大報天丙午封壇肅且圜孤竹之管
雲和絃神光未下風肅然王城七里通天臺紫
微斜昭影徘徊連珠合璧重光來天策斲轉鈞
陳闕

○皇夏

旌迴外境蹕靜郊門千乘鞍轡萬騎雲屯藉茅
無咎掃地惟尊揖讓展禮衡璜節步星漢就列

風雲相顧取法於天降其永祚

○昭夏

日至大禮豐牲上辰牲牢脩牧藟栗毛純俎豆
斯立陶匏以陳大報反命居陽兆日六變鍾鼓
三和琴瑟俎奇豆偶惟誠惟質

○昭夏

真玉已奠蒼幣斯陳瑞形成象璧氣含春禮從
天數智摠圓神爲祈爲祀至敬咸遵

皇夏

七星是仰八陛有憑就陽之位如日之升思虔

肅肅至敬繩繩祝史陳信玄象斯格惟類之典
惟靈之澤幽顯對揚人神咫尺

雲門舞

獻以誠鬱以清山壘舉沈齊傾惟尚饗洽皇情
降景福通神明

○雲門舞

長丘遠歷大電遙源。藏高壘。鼎。浚寒門。人生
于祖物本於天。奠神配德。迄用康年。

登歌

歲之祥國之陽。蒼靈敞翠雲。長象爲飾。龍爲章。

乘長日。坏蟄戶。到雲漢。迎風雨。六呂歌。雲門舞。
省滌濯。奠牲牲。鬱金酒。鳳凰尊。迴天睠。顧中原。

○皇夏

國命在禮。君命在天。陳誠惟肅。飲福惟虔。洽斯
百禮。福以千年。鈎陳掩映。天駟徘徊。雕和飾。第
翠羽承。鸞受斯茂。社從天之來。

○雍樂

禮將畢。樂將闋。迴日轡。動天關。翠鳳搖和。鸞響
五雲飛。三步上風。爲馭雷。爲車無轡。跡有烟霞。
暢皇情。休靈命。雨留甘雲餘慶。

皇夏

六典聯事九司咸則率由舊章於焉允塞掌禮
移次燔柴在焉烟升玉帛氣歛牲牲休氣馨香
膋芳昭晰翼翼虔心明明上徹

皇夏

玉帛禮畢人神事分嚴承乃睠瞻仰迴雲輦路
千門王城九軌式道移候司方迴指得一惟清
於萬斯寧受茲景命于天告成

周祀方澤歌

昭夏

報功陰澤展禮玄郊平琮鎮瑞方鼎升庖調歌
孫竹縮酒江茅聲舒鍾鼓器質陶匏列耀秀華
凝芳都荔川澤茂祉丘陵容衛雲飭山壘蘭浮
沈齊日至之禮歆茲大祭

昭夏

曰若厚載欽明方澤敢以敬恭陳之玉帛德包
含養功藏靈迹斯箱既千子孫則百

登歌

質明孝敬求陰順陽壇有四陞琮分八方牲牲
蕩滌蕭合馨香和鑾戾止振鷺未翔威儀簡簡

鍾鼓嗶嗶聲和孤竹韻入空乘封中雲氣坎上
神光下元之主功深蓋藏

皇夏

司筵撤席掌禮移次迴顧封壇恭臨坎位瘞玉
埋俎藏芬歛氣是日就幽成斯地意

周祀五帝歌

皇夏

嘉玉惟芳嘉幣惟量成形惟禮稟色隨方神班
其次歲禮惟常威儀抑抑率由舊章

皇夏

惟令之月惟嘉之辰司壇夙設長史誠陳敢用
明禮言功上陳鈎陳旦闢閭闔朝分旒垂象冕
樂奏山雲將迴霆策慙轉天文五運周環四時
代序鱗次玉帛循迴樽俎神其降之介福斯許

青帝雲門舞

甲在日鳥中星禮東后奠蒼靈樹春旗命青史
候鴈還東風起歌木德舞震宮泗濱石龍門桐
孟之月陽之天億斯慶兆斯年

配帝舞

帝出於震蒼德於神其明在日其位居春勞以

定國功以施人言從配祀近取諸身

赤帝雲門舞

招搖指午對南宮日月相會實沈中離光布政
動溫風純陽之月樂炎精赤雀丹書飛送迎朱
絃絳鼓聲虔誠萬物含養各長生

○配帝舞

以炎爲政以火爲官位司南陸享配離壇三和
實俎百味浮蘭神其茂豫天步艱難

○黃帝雲門舞

三光儀表正四氣風雲同戊巳行初曆黃鍾始

黃宮平琮禮內鎮陰管奏司中齋壇芝擘擘清
野桂馮馮夕牢芬六鼎安歌韻八風神光乃超
忽嘉氣恒葱葱

配帝舞

四時咸一德五氣或同論猶吹鳳凰管尚對梧
桐園器園居士厚位摠配神尊始知今奏樂還
用我雲門

白帝雲門舞

肅靈兌景承配秋壇雲高火落露白蟬寒帝律
登年金精行令瑞獸霜輝祥禽雪映司藏肅殺

萬寶咸宜厥田上上收功在斯

配帝舞

金行秋令白帝朱宣司正五雉歌庸九川執文
之德對越彼天介以福祉君子萬年

○黑帝雲門舞

北辰爲政玄壇北陸之祀員官宿設玄圭浴蘭
坎德陰風御寒次律將廻窮紀微陽欲動細泉
管猶調於陰仰聲未入於春絃待歸餘於送曆
方履慶於斯年

配帝舞

地始圻虹始藏服玄玉居玄堂沐蕙氣浴蘭湯
匏器絜水泉香陟配彼福無彊君欣欣此樂康

周宗廟歌

皇夏

肅肅清廟巖巖寢門欹器防滿金人戒言應棟
懸鼓崇牙樹羽階變升歌庭紛象舞閑安象設
緝熙清奠春鮪初登新萍先薦儻然入室儼乎
在位悽愴履之非寒之謂

昭夏

永維祖武潛慶靈長龍圖革命鳳曆歸昌功移

上塲德耀中陽清廟肅肅猛虞煌煌曲高大夏
聲和盛唐牲牲蕩滌蕭合馨香和鑾戾止振鷺
來翔永敷萬是則四方

皇夏

年祥辨日土協龜言奉酌承列來庭駿奔雕禾
飾竿翠羽承樽敬殫如此恭惟執燔

皇夏

慶渚千重秀鴻源萬里長無時猶戢翼有道故
韜光盛德必有後仁義終克昌明星初肇慶大
電爻呈祥

皇夏

克昌光上烈基聖穆西藩崇仁高涉渭積德被
居原帝圖張往迹王業茂前尊重芬德陽廟疊
慶壽陵園百靈光祖武千年福孝孫

皇夏

雄圖屬天造宏略遇群飛風雲猶聽命龍躍遂
乘機百二當天險三分拒樂推函谷風散散河
陽氛霧晞濟弱淪風起扶危頽運歸地紐崩還
正天樞落更追原祠乍超忽畢壠或綿微終封
三尺劍長卷一戎衣

皇夏

月靈興慶沙祥發源功參禹迹德贊堯門言容
典禴狄微章儀形溫德令聞昭陽日月不居歲
時晚晚瑞雲纏心闕宮惟遠

皇夏

龍圖基代德天步屬艱難謳歌還受瑞揖讓乃
登壇升輿芒刺重入位據關寒卷舒雲汎濫滂
揚日浸微出鄭終無反居桐竟不歸祀夏今惟
舊尊靈謚更追

皇夏

若水逢降君窮桑屬惟政丕哉馭帝籙鬱矣當
天命方定五雲官先齊八風令文昌氣似珠太
史河如鏡南宮學已開東觀書還聚文辭金石
韻毫翰風颺豎清室桂馥馥齊房芝詡詡寧思
玉管笛空見靈衣舞

皇夏

南河吐雲氣北斗降星辰百靈咸仰德千年一
聖人書成紫微動律定鳳凰馴六軍命西土甲
子陳東鄰戎衣此一定萬里更無塵烟雲同五
色日月並重輪流沙旣西靜蟠木又東臣凱樂

聞朱鴈鏡歌見白麟。今爲六代祀，還得九疑賓。

皇夏

禮殫裸獻樂極休，成長離前揆宗祀。文明縮酌浮蘭澄壘，合鬯磬折禮容旋迴。靈貺受釐，撤俎飲福移樽。惟光惟烈，文子文孫。

皇夏

庭闕四始筵終，三薦顧步階墀。徘徊餘奠六龍，矯首七萃警途。鼓移行漏，風轉相烏翼翼從事。綿綿四時，惟神降嘏。永言保之。

周大禘歌

昭夏

律在夾鍾，服居蒼袞。杳杳清思，綿綿長遠。就祭於合班，神於本來。庭有序助，祭有章樂。舞六代賓歌，二王和鈴。以節儻革，斯鏘齊宮。饌玉鬱華，浮金洞庭。鍾鼓龍門，瑟琴其樂。已變惟神，是時

登歌

神惟顯思，不言而令。玉帛之禮，敢陳莊敬。奉如弗勝，薦如受命。交於神明，愨于言行。

周五聲調曲

宮調曲

五首

氣離清濁判元開天地分三才初辨正六位始
成文繼天爰立長安民乃樹君其明廣如日其
澤厚如雲惟昔我文祖撥亂拒謳歌三分未撫
運八百不陵河禮敷天下聖樂正神人和風塵
行息警江海欲無波

其二

我皇承下武革命在君臨膺圖當舜玉嗣德受
堯琴沈首多推運陽城有讓心就日先知遠觀
淵早見深玄精實委御蒼正乃皆平履端朝萬
國年祥慶百靈玉帛咸觀禮華戎各在庭鳳響

庚
中夷則天文正玉衡皇基自天保萬物乃由

其三

握衡平地紀觀象正天樞祺祥鍾赤縣靈瑞炳
皇都更受昭華玉還披蘭葉圖金波來白兔弱
木下蒼烏玉斗調元協金沙富國租青丘還擾
圃丹穴更巢梧安樂新成慶長生百福符

其四

明明九旋序穆穆四門賓陰陵朝北附蟠木引
東臣澗途求板築谿源取釣綸多士歸賢戚惟

城屬茂親貴位連南斗高榮據北辰迎時乃推
策司職且班神日月之所照霜露之所均永從
文軌一長無外戶人

其五

鬱盤舒棟宇崢嶸侔大壯拱木詔林衡全模徵
梓匠千櫨綺翼浮百共長虹抗北去邯鄲道南
來偃師望龍首載文陛雲楣承武帳居者非求
隘卑宮豈難尚壯麗天下觀是以從蕭相

變宮調 二首

帝遊光出震君明擅在離巖廊惟眷顧欽若尚

無爲龍穴非難拊鸞巢欲可窺具茨應不遠汾
陽寧足隨蒸民播殖重溝洫劬勞多棗林還住
雨積石遂開河明徵逢永命平秩值年和更有
薰風曲方聞晨露歌

其二

移風廣軒曆崇德盛唐年。成文興大雅出豫動
鈞天。黃鍾六律正閭闔八風宣。孤竹調陽管空
桑節雅絃。舞林鸞更下歌山鳳欲前。聞音能辨
俗聽曲乃思賢。感物觀治亂心恒防未然君子
得其道太平何有焉

聲格

皆以

陳相一

化出

商調曲 四首

君以宮唱寬大而謨明臣以商應聞義則可行
有熊為政訪道於容成殷湯受命委任於阿衡
忠其敬事有罪不逃刑誦其箴諫言之無隱情
有剛有斷四方可以寧既誦既雅天下乃升平
專精一致金石為之開動其兩心妻子恩情垂
苟利社稷無有不盡懷昊天降祐元首惟康哉

其二

百川俱會大海所以深群材既聚故能成鄧林
猛虎在山百獸不敢侵忠臣處國天下無異心

昔我文祖執心且危慮驅剪豺狼經營此天步
今我受命又無敢逸豫惟爾弼諧各可知競懼

其三

禮樂既正人神所以和玉帛有序志欲靜干戈
各分符瑞俱誓裂山河今日相樂對酒且當歌
道德以喻聽撞鍾之聲神姦不若觀鑄鼎之形
艷宮既朝諸侯於是穆岐陽或狩淮夷自此平
若涉大川言憑於舟楫如和鼎實有寄於益梅
君臣一體可以靜氛埃得人則治何世無奇才

其四

風力是舉而台階序平重黎既登而天地位成
功無與讓。銘太常之旌。世不失職。受駢毛之盟。
輯瑞班瑞。穆穆於堯門。惟翰惟屏。臚臚於周原。
功成而治定。體樂斯存。復子而明。辟姬且何言。

角調曲

二首

止戈見於絕轡之野。稱伐聞於丹水之征。信義
但存乃先忘食。五材並用誰能去兵。雖聖人之
大寶曰位。實天地之大德曰生。涇渭同流清濁
異能。琴瑟並御雅鄭殊聲。擾擾蒸人。聲教不一。
茫茫禹跡。車軌未并。志在四海。而尚恭儉。心包

宇宙而無驕盈言。而無文行之不遠義。而無立
勤則無成。惻隱其心。訓以慈惠。流宥其過。哀矜
典刑。

其二

匡贊之士。或從漁釣。雲雨之才。乍歎幽谷。尋芳
者。追深逕之蘭。識韻者。探窮山之竹。克明其德。
貢以三事。樹之風聲。言于九牧。協用五紀。風若
從時。農用八政。甘作其穀。殊風共軌。見之周南。
異畝同穎。聞之康叔。祈寒暑雨。是無胥怨。天覆
雲油。滋焉滲漑。幸無謝上古之淳人。庶可以封

之於比屋

○徵調曲 六首

乾坤以含養覆載。日月以貞明照臨。達人以四海為務。明君以百姓為心。水波瀾者源必遠。樹扶疎者根必深。雲雨所施無不洽。廊廟求才多所任。

○其二

淳風布政常無欲。至道防人能變俗。求仁義急於水火用。禮讓多於菽粟。屈軼無佞人可指。獬豸無繁刑可觸。王道蕩蕩用無為。天下四人誰

四人即
四民也

不足

其三

聖人千年始一生。黃河千年始一清。攝提以之而從紀。玉燭於是而文明。東南可以補地缺。西北可以正天傾。浮龜則東海可厲。運鍾則南山可平。衆僊就朝於瑤水。羣帝受享於明庭。懷和則昧任並奏。功烈則鍾鼎俱銘。

其四

三光以紀物成形。四時以裁成正位。雷風大山岳之響。寒暑通陰陽之氣。武功則六合攸同。文

教則二儀經緯有道則咸浴其德好生則各繁其類。白日經天中則移明月橫漢滿而虧能虧能缺既無爲雖盈雖滿則不危開信義以爲苑囿立道德以爲城池周監二代所損益郁郁乎文其可知庖犧之親臨佃漁神農之躬垂稼穡湯則採旱而憂勤禹則正冠而無暇草上之風無不偃君子之眊知可化將欲比德於三皇未始追踪於五霸

其五

纖纖不絕林薄成涓涓不止江河生事之毫髮

無謂輕慮遠防微乃不傾雲官乃垂拱大君鳳曆惟欽明元首類上帝而禋六宗望山川而朝羣后地鏡則山澤俱開河圖則魚龍合負我之天網莫不該閻闔九關天門開卿相則風雲玄感匡贊則星辰下來既興周室之三聖乃舉唐朝之八才莘臣叅謀於左相大老教政於中台其宜作則於明哲故無崇信於姦回

其六

正陽和氣萬類繁君王道合天地尊黎人耕植於義圃君子翱翔於禮園落其實者思其樹飲

其流者懷其源。咎繇爲謀不仁遠。士會爲政羣盜奔。克寬則昆蟲內向。彰信則殊俗宅心。浮橋有月支抱馬。上苑有烏孫學琴。赤玉則南海輸。賁白環則西山獻琛。無勞鑿空於大夏。不待蹶角於蹠林。

羽調曲 五首

樹君所以牧人立法所以靜亂首惡旣其南巢元凶於是北竄居休氣而四塞在光華而兩旦是以雨施作解是以風行惟渙周之文武洪基光宅天下文思千載克聖咸熙七百在我應期

實昊天有成命惟四方有訓之

其二

運平後親之俗時亂先疎之雄踰桂林而驅象濟弱水而承鴻旣浮干呂之氣還吹入律之風錢則都內朽貫倉則常平粟紅火中乃寒乃暑年和一雨一風聽鍾磬念封疆聞笙竽思蓄聚瑤琨篠蕩旣從惟石鈇松即序長樂善馬成廐水衡黃金爲廡

用書却布古弦

其三

百川乃宗巨海衆星是仰北辰九州攸同禹跡

四海合德堯臣朝陽栖於鳴鳳靈時牧於般麟
雲玉葉而五色月金波而兩輪涼風迎時北狩
小暑戒節南巡山無藏於紫玉地不愛於黃銀
雖南征而北怨實西略而東賓既永清於四海
終有慶於一人

〇其四

定律零陵玉管調鍾始平銅尺龍門之下孤桐
泗水之濱鳴石河靈於是讓珪山精所以奉璧
絳九艸而賦稅兼三危而紉錫北里之禾六穗
江淮之茅三菴可以玉檢封禪可以金繩探策

終永保於鴻名足揚光於載籍

其五

太上之有立德其次之謂立言樹善滋於務本
除惡躬於塞源冲深其智則厚昭明其道乃尊
仁義之財不匱忠信之禮無繁動天無有不屆
惟時無幽不徹作德心逸日休作偽心勞日拙
自非剛克掩義無所離勦絕

庾開府詩集卷一

庾開府詩集卷二

樂府

楊柳歌

燕歌行

出自薊北門行

從軍行

昭君怨 二首

賦得結客少年場

烏夜啼 二首

夾客行

舞媚娘

怨歌行

詩

擬詠懷 二十七首

奉和永豐殿下言

志 十首

道士步虛詞 十首

樂府

○○○楊柳歌 七言

河邊楊柳百丈枝。別有長條宛地垂。河水衝激
 根株危。倏忽河中風浪吹。可憐巢裏鳳凰兒。無
 故當年生別離。流槎一去上天池。織女支機將
 見隨誰言。從來蔭翳國。且用東南。小枝。昔日
 公子出南皮。何處相尋玄武陂。駿馬翩翩西北
 馳。左右彎弧仰月支。連錢障泥渡水騎。白玉手
 板落盤。蟬君言丈夫無意氣。試問燕山那得碑。
 鳳凰新管簫史吹。朱鳥春窓玉女窺。銜雲酒杯

遠思 忽作

又註 深宵

赤瑪瑙。照日食螺紫。琉璃百年霜露奄。離披一
 旦功名不可為。定是懷王作計誤。無事翻覆用
 張儀。不如飲酒高陽池。日暮歸來倒接羅。武昌
 城下誰見移官渡。營前那可知。獨憶落絮飛毛
 下。非復青絲馬尾垂。欲與梅花留一曲。共將長
 笛管中吹。此篇句法轉

○○○燕歌行 七首

代北雲氣晝昏昏。千里飛蓬無復根。寒鷹一
 渡遼水桑葉紛紛落。薊門晉陽山頭無箭竹。踈
 勒城中乏水源。屬國征戍離居陽。關音信絕

能踈願得曾連飛一箭持寄思歸燕將書渡遼
本自有將軍寒風蕭蕭生水紋妾驚甘泉足烽
火君訝漁陽少陣雲自從將軍出細柳蕩子空
牀誰獨守盤龍明鏡餉秦嘉辟惡生香寄韓壽
春分燕來能幾日二月蠶眠不復久洛陽游絲
百丈連黃河春冰千片穿桃花顏色好如馬榆
莢新開巧似錢蒲桃一杯千日醉無事九轉學
神僊定取金丹作幾服能令華表得千年

。出自薊北門行

薊門還北望役役盡傷情關山連漢月隴水向

秦城笳寒蘆葉脆弓凍絃絃鳴梅林能止渴復
姓可防兵將軍朝挑戰都護夜巡營燕山猶有
石須勒幾人名

從軍行

同盧記室作

河圖論陣氣金匱辨星文地中鳴鼓角天上下
將軍函犀恒七屬絡鐵本千羣飛梯聊度絳合
駑輶凌汾寇陣先中斷妖營即兩分連烽對嶺
度嘶馬隔河聞箭飛如疾雨城崩似壤雲英王
於此戰何用武安君

昭君怨

二首

拭啼辭戚里。迴顧望昭陽。鏡先菱花影。錦除却
月梁。圍腰無一尺。垂淚有千行。衫身承馬汗。紅
袖拂秋霜。別曲真多恨。哀弦須更張。

其二

歛眉光祿塞。還望夫人城。片片紅粧落。雙雙淚
眼生。冰河牽馬渡。雪路抱鞍行。胡風入骨冷。夜
月照心明。方調琴上曲。變入胡笳聲。

○賦得結客少年場

結客少年場。春風滿路香。歌撩李都尉。果擲潘
河陽。隔花遙勸酒。就水更移牀。今年喜夫壻。新

拜羽林郎。定知劉碧玉。偷嫁汝南王。

○烏夜啼二首

促柱繁絃非子夜。歌聲舞態異前谿。御史府中
何處宿。洛陽城頭那得棲。彈琴蜀郡卓家女。織
錦秦川竇氏妻。詎不自驚長淚落。樹頭啼烏恒
夜啼。

其二

桂樹懸知遠風竿。詎肯低獨憐。明月夜孤飛。猶
未棲虎賁。誰見惜御史。詎相携。雖言入絃管。終
是曲中啼。

俠客行

俠客重連鑊。金鞍被桂條。細塵障路起。驚花亂
眼飄。酒醺人半醉。汗濕馬全驕。歸鞍畏日晚。爭
路上河橋。此句唐八五言以詩風氣

舞媚娘

朝來戶前照鏡。含笑盈盈。自看眉心濃黛。直點
額角輕黃。細安。祇疑落花謾去。復道春風不還。
少年惟有懽樂。飲酒那得留殘。

怨歌行

家住金陵縣前。嫁得長干少年。回頭望鄉淚落

不知何處天邊。胡塵幾日。應盡漢月。何時更圓。
為君能歌此曲。不覺心隨斷絃。

詩

擬詠懷二十七首

步兵未飲酒。中散未彈琴。索索無真氣。昏昏有
俗心。涸鮒常思水。鷲飛每失林。風雲能變色。松
竹且悲吟。由來不得意。何必往長岑。

其二

倏忽市朝變。蒼茫人事非。避諛應采葛。忘情遂
食薇。懷愁正搖落。中心愴有違。獨憐生意盡。空

驚槐樹衰

其三

赭衣居傳巖垂綸在渭川乘舟能上月飛憶欲
捫天誰知志不就空有直如弦洛陽蘇季子連
橫遂不連既無六國印翻思二頃田

其四

俎豆非所習惟幄復無謀不言班定遠應爲萬
里侯燕客思遼水秦人望隴頭倡家遭強聘質
子值仍留自憐才智盡空傷年髮秋

其五

楚材稱晉用秦臣卽趙冠離宮延子產羈旅接
陳完寓衛非所寓安齊獨未安雪泣悲去魯悽
然憶相韓唯彼途窮慟知予行路難

其六

惟忠且惟孝爲子復爲臣一朝人事盡身名不
足親吳起長辭魏韓非遂入秦壯懷已消歇雄
圖不復申移住華陰下終爲關外人

其七

疇昔國士遇生平知己恩直言珠可吐寧知炭
欲吞一顧重尺璧千金輕一言悲傷劉孺子悽

悽切

愴史皇孫無因同武騎歸守霸陵園

其八

日色臨平樂風光滿上蘭南國美人去東家棗
樹完抱松傷別鶴向鏡絕孤鸞不言登隴首唯
得望長安

其九

榆關斷音信漢使絕經過胡笳落淚曲羌笛斷
腸歌孀腰減束素別淚損橫波恨心終不歇紅
顏無復多枯木期填海青山望斷河

其十

白馬向青波乘冰始渡河置兵須近水移營喜
竈多長坂初乘翼鴻溝遂倒戈的盧於此去虞
方柰若何空營衛青冢徒聽田橫歌

其十一

北臨玄菟郡南戍朱鳶城共此無期別俱知萬
里情昔嘗遊令尹今時事客卿不特貧謝富安
知死羨生懷秋獨悲此平生何謂平

其十二

悲歌度燕水弭節出陽關李陵從此去荆卿不
復還故人形影滅音書兩俱絕遙看塞北雲懸

想關山雪游子河梁上應將蘇武別

其十三

鬪麟能食日戰水定驚龍鼓鼙喧七萃風塵亂
九重鼎湖去無返蒼梧悲不從徒勞銅雀妓遙
望西陵松

其十四

搖落秋爲氣淒涼多怨情啼枯湘水竹哭壞杞
梁城天亡遭憤戰日蹙值愁兵直虹朝映壘長
星夜落營楚歌饒恨曲南風多死聲眼前一杯
酒誰論身後名

其十五

周王逢鄭忿楚后值秦冤梯衝已鶴列異馬忽
雲屯武安擔瓦振昆陽猛獸奔流星夕照境烽
火夜燒原古獄饒冤氣空亭多枉鬼天道或可
問微言不忍言

其十六

橫流遘屯匿上塲結重氣哭市聞妖獸頽山起
恠雲綠林多散卒清波有敗軍智士今安用忠
臣且未聞惜無萬金產東求滄海君

其十七

吉士長爲吉善人終日善大道忽云乖生民隨
事蹇有情何可豁忘懷固難遣麟窮季氏豈虎
振周王圈平生幾種意一旦衝風卷

○其十八

無悶無不悶有待何可待昏昏如坐霧漫漫擬
行海千年水未清一代人先改昔日東陵侯唯
見瓜園在

其十九

六國始咆哮從橫未定交欲競連城玉翻徵縮
酒茅折骸猶換子登爨已懸巢壯冰初開地育

十字派
如湧出

風正折膠浮雲飄馬足明月動弓弰楚師正圍
鞏秦兵未下嶠始知千載內無復有申包

其二十

懷抱獨惛惛平生何所論由來千種意併是挑
花源穀皮兩書帙壺盧一酒樽不有錯簡自知費天下也
復何足言

其二十一

罵得毒

橫石三五片長松一兩株對君俗人眼真興理
當無野老披荷葉家童掃栗柎竹林千戶封甘
樹萬頭奴君見愚公谷真言此谷愚

○其二十二

日晚荒城上蒼茫餘落暉都護樓蘭反將軍踈
勒歸馬有風塵氣人多關塞衣陣雲平不動秋
蓬卷欲飛聞道樓船將今年不解圍

○其二十三

蕭條亭障遠悽慘風塵多關門臨白狄城影入
黃河秋風別蘇武寒水送荆軻誰言氣盖世晨
起帳中歌

其二十四

披甲陽雲臺重雲久未開鷄鳴楚地盡鶴唳秦

軍來羅梁猶下礮楊排久飛灰出門車軸折吾
王不復廻

其二十五

尋思萬戶侯中夜忽然愁琴聲遍屋裏書卷滿
牀頭雖言夢蝴蝶定自非莊周殘月如初月新
秋似舊秋露泣連珠下螢飄碎火流樂天乃知
命何時能不憂

其二十六

憤憤天公曉精神殊乏少一郡催曙雞數處驚
眠鳥其學乃于于其憂唯悄悄張儀稱行薄管

仲稱器小天下有情人居然惟靈天

其二十七

從李法傳來

在死猶可忍爲辱豈不寬古人特此性遂有不
能安其面雖可熱其心長自寒匣中取明鏡披
曷自昭看幸無侵餓理差有犯兵欄擁節時駢
傳乘亭不據鞍代郡蓬初轉遼陽桑欲乾秋雲
紛絮結白露水銀團一思探禹穴無用塵臯蘭

奉和永豐殿下言志

十首

立德齊今古咨仁一毀譽無機抱甕汲有道帶
經鉏處下惟名惠能賢本姓蘧未論驚龍辱安

古人輕死
重身今人
重死忘身
十字逼露

知繁慘舒

其二

王子從邊服臨邛惜第如星橋擁冠蓋錦水照
簪裾論文報潘岳詠史荅應璩帳幙參三顧風
流盛七輿

其三

茫茫實宇宙與善定憑虛大夫傷魯道君子念
殷墟程卿旣開國安平遂徙居詎能從小隱終
能遊太初

其四

直城風日美平陵雲霧除來往金張館絃歌許
史閭鳳臺迎弄玉河陽送婕妤五馬遙相問雙
童來夾車

其五

托情欣六學遊目愛三餘覆局能懸記看碑解
暗疏詎嘗遊魏冉那時說范睢池水朝含墨流
螢夜聚書

其六

興雲榆莢晚曉薤杏花初瀉池浸黍稷谷水播
苗畬六月蟬鳴稻千金龍骨渠含風搖古渡防

露動林於

其七

自憐循短綆方欲問長沮茂陵體猶瘠淮陽疾
未祛翻疑承毒水忽似遇昌菹漢陽嗟欲盡咎
繇懼忽諸

其八

弱齡叅顧問疇昔濫吹噓綠槐垂學市長楊映
直廬連盟翻滅鄭仁義反亡徐還思建鄴水終
憶武昌魚

其九

崩堤壓故柳衰社卧寒樗野鶴能自獵江鷗解
獨漁漢陰逢荷蓀緇林見杖屨阮藉長思酒嵇
康懶著書

其十

披林求木實拂雪就園蔬濁醪非鶴髓蘭肴異
蟹胥野情風月曠山心人事踈徒知守瓦甃空
欲報璠璵

道士步虛詞十首

渾成空教立元始正圖開赤玉靈文下朱陵真
氣來中天九龍館倒景八風臺雲度絃歌響星

移宮殿迴青衣上少室童子向蓬萊逍遙闌四
會倏忽度三災

其二

無名萬物始有道百靈初寂絕乘丹氣玄明上
玉虛三元隨建節八景逐回輿赤鳳來啣璽青
鳥入獻書壞杙仍成杙枯魚還作魚栖心浴日
館行樂止雲墟

其三

凝真天地表絕相寂寥前有象猶虛豁忘形本
自然開經壬子世值道甲申年迴雲隨舞曲流

水逐歌絃石髓香如飯。芝房脆似蓮。停鸞譙瑤
水歸路上鳴天。

其四

道生乃太一守靜。卽玄根中和煉九氣。甲子謝
三元居心受善水。教學重香園。鳧留報關吏。鶴
去畫城門。更以欣無迹。還來寄絕言。

其五

洞靈尊上德。虞石會明真。要妙思玄絕。虛無養
谷神。丹丘乘翠鳳。玄圃御班麟。移梨付苑吏。種
杏乞山人。自此逢何世。從今復幾春。海無三尺

水山成數寸塵。

其六

東明九芝蓋。北燭五雲車。飄颻入倒景。出沒上
烟霞。春泉下玉雷。青鳥向金華。漢帝看桃核。齊
侯問棗花。上元應送酒。來向蔡經家。

其七

歸心遊太極。迴向入無名。五香芬紫府。千燈照
赤城。鳳林採珠寶。龍山種玉榮。夏竇三舌響。春
鍾九乳鳴。絳河應遠別。黃鵠來相迎。

其八

北閣臨玄水南宮坐絳雲龍涇印玉策天火煉
真文上元風雨散中天歌吹分靈駕千尋上空
香萬里聞


其九

地鏡塔基遠天窻影迹深碧玉成雙樹空青爲
一林鵲巢堪煉石蜂房得煮金漢武多憍慢淮
南不小心蓬萊入海底何處可追尋

其十

麟洲一海闊玄圃半天高浮丘迎子晉若士避
盧敖經飡林慮李舊食綏山桃成丹湏竹節刻

髓用蘆刀無妨隱士去卽是賢人逃



庾開府詩集卷三

詩

謹贈司寇淮南公 旦上司憲府

陪駕幸終南和宇文內史

奉報趙王出師在道賜詩


和張侍中述懷 從駕觀講武

奉和趙王西京路春日

登州中新閣 奉和法筵應詔

喜晴應詔 和李司錄喜雨

預麟趾校書和劉儀同



和何儀同講竟述懷

北園新齋成應趙王教

奉和同泰寺浮屠 將命至鄴

奉報寄洛川 任洛州鬲薛文學

夜聽擣衣 園庭

侍從徐國公殿下軍行

至老子廟應詔 奉和趙王隱士

仰和何僕射懷故 傷王司徒褒

和王少保進傷周處士 西門豹廟

詩

謹贈司寇淮南公

危邦久亂德天策始乘機九河聞誓衆千里見
連旂號亡垂棘反齊平寶鼎歸久弊風塵俗殊
勞關塞衣絆驥還千里垂鵬更九飛猶憐馬齒
進應念節旄稀迴軒入故里園柳始依依舊竹
侵行逕新桐益幾圍寒谷梨應重秋林栗更肥
美酒還參聖彫文本入微促歌迎趙瑟遊絃召
楚妃小人司刺舉明敷實濫吹南部治都尉軍
謀假建威南山隱士宅丹水鳳凰磯野亭長被
馬山城早掩扉傳呼擁絳節交戟映彤闈遂令

亡楚操何但食周薇三十六水變四十九條非
丹龜風烟歇年齡蒲柳衰同僚敢不盡疇日懼
難追

旦上司憲府

詰旦啓門欄繁辭擁筆端蒼鷹下獄吏獬豸飾
刑官司朝引玉節盟載捧珠盤窮紀移星次歸
餘律未殫雪高三尺厚水深一丈寒短筍猶埋
竹香心未起蘭孟門久失路扶搖忽上棟栖烏
還得府棄馬復歸欄榮華名義重虛薄報恩難
枚乘還起疾貢禹遂彈冠方垂蓮葉劍未用竹

根丹一知懸象法誰思垂釣竿

陪駕幸終南和宇文內史

玉山乘四載瑤池宴八龍鼉橋浮少海鵠蓋上
中峯飛狐橫塞路白馬當河衝水奠三川石山
封五樹松長虹雙瀑布圓闕兩芙蓉戍樓鳴夕
鼓山寺響晨鍾新蒲節轉促短筍籜猶重樹宿
含櫻鳥花留釀蜜蜂迎風下列缺灑酒石昌容
且欣陪北上方欲待東封

奉報趙玉出師在道賜詩

上將出東平先定下江兵彎弓伏石動振鼓沸

沙鳴橫海將軍號長風駿馬名雨歇殘虹斷雲
歸一雁征閣岩朝石濕空山夜火明低橋澗底
度狹路花中行錦車同建節魚軒異泊營軍中
女子氣塞外夫人城小人乖攝養岐路阻逢迎
幾月芝田熟何年金竈成哀笳閑塞曲嘶馬別
離聲王子身爲寶深思不倚衡

和張侍中述懷

陽窮乃悔吝世季誠屯剥奔河絕地維折柱傾
天角成羣海水飛如雨天星落負鍾遂移山藏
舟終去壑生民忽已魚君子徒爲鶴疇昔逢知

已生平荷恩渥故組竟無聞程嬰空寂寞永嘉
獨流寓中原唯鼎鑊道險卧輓轡身危累殼漂
流從木梗風捲隨秋籜張翰不歸吳陸機猶在
洛漢陽錢遂盡長安米空索時占季主龜乍取
韓康藥伏轅終入絆垂翅猶離繳徒懷琬琰心
空守黃金諾號鄒終無寄齊秦竟何託大夫唯
閔周君子常思毫竅共羈旅蕭條同負郭農
談止穀稼野膳唯藜藿操樂楚琴澁忘憂魯酒
薄渭濱觀坐釣谷口看秋穫唯有丘明耻無復
榮期樂夷則火星流天根秋水涸冬巖日不暖

歲晚風多朔楊浮有恠雲細凌聞災雹木皮三
寸厚涇涇五斗濁雖欣曲轅樹猶懼雕凌鵲生
涯實有始天道終虛橐且悅善人交無疑朋友
數何時得雲雨復見翔寥廓

從駕觀講武

校戰出長楊兵欄入闔場置陣橫雲起開營鴈
翼張門嫌磁石礙馬畏鐵菱傷龍淵觸牛斗繁
弱核天狼落星奔驥騶浮雲上驕驪急風吹戰
鼓高塵擁貝裝駭猿時落木驚鴻累斷行樹寒
條更直山枯菊轉芳豹畧推全勝龍圖揖所長

小臣欣寓目還知奉會昌

奉和趙王西京春旦

直城龍首抗橫橋天漢分風烏疑近日露掌定
高雲新渠還入渭舊鼎更開汾漢獵熊攀檻秦
田雉失羣宜年動春律御宿歛寒氛弄玉迎簫
史東方覓細君楊柳成歌曲蒲萄學繡文鳥鳴
還獨解花開先自薰誰知灞陵下猶有故將軍

登州中新閣

跨虛凌倒景連雲拒少陽璇極龍鱗上雕甍鵬
翅張千尋文杏照十里木蘭香開堂對高掌平

坐望河梁歌響聞長樂鍾聲徹建章賦用王延壽書須韋仲將龍來隨畫壁鳳起逐吹篁石作芙蓉影池如明鏡光花梁反披葉蓮并倒垂房徒然思燕賀無以預鷗翔

奉和法筵應詔

五城隣北極百雉壯西昆鈎陳橫複道闔闔抵靈軒千柱蓮花塔由旬紫紺園佛影胡人記經文漢語翻星窺朱鳥牖雲宿鳳凰門新禽解襍嘯春柳卧生根早雷驚蟄戶流雪長河源建始移交讓徽音種合昏風飛扇天辯泉湧屬絲言

羈臣從散木無以預中天

喜晴應詔勅自疏韵

御辨誠膺錄維皇稱有建雷澤昔經漁負夏時從馭栢梁驂四馬高陵馳六傳有序屬賓連無私表平憲河堤崩故柳秋水高新堰心齋愍昏墊樂撤憐胥怨禪河秉高論法輪開勝辨王城水闔息洛浦河圖獻伏泉還習坎歸風已迴巽桐枝長舊圍蒲節抽新寸山藪欣藏疾幽棲得無悶有慶兆民同論年天子萬

和李司錄喜雨

純陽實久亢雲漢乃昭回臨河沉璧玉夾道盡
龍媒離光初遶電震氣始乘雷海童還碣石神
女向陽臺雲逐魚鱗起渠隨龍骨開崩沙雜水
去卧樹擁槎來嘉苗雙合穎熟稻再含胎屬此
欣膏露逢君摛揆才愧乏瓊將玖無鳥美且俱
預麟趾校書和劉儀同

止戈興禮樂修文盛典謨壁開金石篆河浮雲
霧圖芸香上延閣碑石向鴻都講書徵博士明
經拜大夫壁池寒水落學市舊槐枯高談變馬
白雄辯塞飛狐月落將軍樹風驚御史烏子雲

猶汗簡溫舒正削蒲連雲雖有閣終欲想江湖

和何儀同講竟述懷

無名即講道有動定論機安經讓禮席正業理
儒衣似得遊焉趣能同捨講歸石渠人少歇華
陰市甃稀秋雲從晚氣短景側餘輝螢排亂草
出鴈斷拾蘆飛別有平陵逕蕭條客髮衰實欣
懷謏問逢君理入微

北園新齋成應趙王教

虹粉跂鳥翼山節拱蘭枝畫梁雲氣遶雕窓玉
女窺月圓唯反照蓮開常倒垂盤根細壤石行

雨暴澆池長藤連格徙高樹帶巢移鳥聲唯禱
曲花風直亂吹白虎題書觀玄熊帖射皮文弦
入舞曲扇月掩歌兒玉節調笙管金船代酒卮
若論曹子建天人本共知

奉和同泰寺浮屠

岩岩凌太清照殿比東京長影臨雙闕高層出
九城拱積行雲礙幡搖度鳥驚鳳飛如始落蓮
合似初生輪重對月滿鐸韻擬鸞聲畫水流全
注圖雲色半行烟露晚猶滴珠朝火更明雖連
博望苑還接銀沙城天香下桂殿僊梵入伊笙

庶同八解樂方遣六塵情

將命至鄴

大國脩聘禮親隣自此敦張旆事原隰負展報
成言西過犯風露北指度輟轅交歡值公子展
覲過王孫何以譽嘉樹徒欣賦采繫四牢盈折
俎三獻盡壘樽人臣無境外何由欣此言風俗
旣殊阻山河不復論無因旅南館空欲祭西門
眷然惟此別風期幸共存

奉報寄洛州

舟師會孟津甲子障東隣雷轅驚戰鼓劍室對

金神幕府風雲氣軍門關塞人長旂折鳥羽合
甲抱犀鱗星芒一丈焰月暈七重輪黎陽水稍
綠官渡柳應春無庸奉天睽驅傳牧南秦繁詞
勞簡牘襟俗弊風塵上洛逢都尉商山見逸民
留滯周南下唯當一史臣

夜聽擣衣

秋夜擣衣聲飛度長門城今夜長門月應如畫
日明小鬟宜粟縷圓腰運織成秋砧調急節亂
杵變新聲石燥砧愈響桐虛杵絕鳴鳴石出華
陰虛桐採鳳林北堂細腰杵南市女郎砧擊節

無勞鼓調聲不用琴並結連枝縷雙穿長命鍼
倡樓驚別怨征客動愁心同心竹葉碗雙去雙
來滿裙裾不柰長衫袖偏宜短龍文縷剪刀鳳
翼纏簪管風流響和韻哀怨聲悽斷新聲遶夜
風嬌轉滿空中應聞長樂殿判徹昭陽宮花鬢
醉眼纈龍子細文紅濕摺通夕露吹衣一夜風
玉階風轉急長城雪應闌新綬始欲縫細錦行
須纂聲繁廣陵散杵急漁陽慘新月動金波秋
雲泛濫過誰憐征戍客今夜在交河榻揚離別
賦臨江愁思歌復令悲此曲紅顏餘幾多

任洛州酬薛文學贈別

子居河之曲英彥本連蹤益形或變虎鼎氣乍
成龍若人承載德宮墻定數重五衢開辨路四
照起文風日餘濫推轂民願始天從上洛分都
尉弘農開附庸羊腸連九坂熊耳對雙峯白石
仙人芋青林隱士松北梁送孫楚西堤別葛龔
故人儻書札黎陽土足封

園庭

杖鄉從物外養學事閑郊窮愁方汗簡無遇始
觀爰谷寒已吹律簷空更剪茅樵隱恒同路人

禽或對巢水蒲開晚結風竹解寒苞古槐時變
火枯楓乍落膠倒屣迎懸榻停琴聽解嘲香螺
酌美酒枯蚌籍蘭肴飛魚時觸釣翳雉屢懸庖
但使相知厚當能來結交

侍從徐國公殿下軍行

八風占陣氣六甲候兵韜置府仍張幕麾軍即
秉旄長旗臨廣武烽火照成臯巡寒重挾纈酌
水勝單醪陣後雲逾直兵深星轉高電焰駟龍
馬山精鏤寶刀塞迥翻榆葉關寒落鴈毛旣得
從神武何須念久勞

至老子廟應詔

虛無推馭辨寥廓本乘蜺三門臨苦縣九井對
靈谿成丹湏竹節量藥用刀圭石似臨邛芋芝
如封禪泥氈毛新鵠小盤根古樹低野戍孤烟
起春山百鳥啼路有三千別途經七聖迷唯當
別關吏直向流沙西

奉和趙王隱士

洛陽徵五隱東都別二賢雲氣浮函谷星光集
潁川灞陵採樵路成都賣卜錢庶裘披稍裂藜
床坐欲穿阮籍唯長嘯嵇康訝一絃澗險無平

石山深足細泉短松猶百尺少鶴已千年野鳥
繁絃嘒山花焰火然洞風吹戶裏右乳滴床前
雖無亭長識終見野人傳

仰和何鄴射還宅懷故

紫閣思朝罷中臺文奏稀無復千金笑徒勞五
百歸步簷朝未掃蘭房晝掩扉苔生理曲處網
積迴文機故瑟餘絃斷歌梁秋燕飛朝雲雖可
望高帳定難依願憑甘露入方假慧鎧輝寧知
洛城晚還淚獨霑衣

傷玉司徒褒

昔聞王子晉輕舉逐神僊謂言君積善還得嗣
前賢四海皆流寓非爲獨播遷豈意中台圻君
當風燭前自君鍾鼎族江南三百年寶刀仍世
載琯戈本舊傳綠紱紆槐綬黃金飾侍蟬地建
忠臣國家開孝子泉自能枯本潤足得流水圓
以君承祖武諸侯無間然青襟已對日童子卽
論天頽陰珠玉麗河陽脂粉妍名高六國共價
重十城連辨足觀秋水文堪題馬鞭迴鸞抱書
字別鶴繞琴絃擁旄裁甸服垂帷非被邊靜亭
空繫馬閑烽直起烟不廢披書案無妨坐釣船

茂陵忽多病淮陽實未痊侍醫逾默默神理逐
縣縣永別張平子長埋王仲宣栢谷移松樹陽
陵買墓田陝路秋風起寒堂已飈焉丘楊一搖
落山火卽時然昔爲人所羨今爲人所憐世途
且或且人情玄又玄故人傷此別留恨滿秦川
定名於此定全德以斯全唯有山陽笛悽余思
舊篇

和王少保遙傷周處士

冥漠爾遊岱淒涼余向秦雖言異生死同是不
歸人昔余仕冠蓋值子避風塵望氣求真隱伺

關待逸民忽聞泉石友芝桂不防身悵然張仲
蔚悲哉鄭子真三山猶有鶴五柳更應春遂令
從渭水投吊往江濱

西門豹廟

君子爲利博達人樹德深蘋藻由斯薦樵蘇幸
未侵恭聞正臣禮良識佩韋心容範雖年代微
猷若可尋菊花隨酒馥槐影向窻臨鶴飛疑逐
舞魚驚似聽琴漳流鳴磴石銅爵影秋林

庾開府詩集卷三

庾開府詩集卷四

詩

奉和夏日應令

奉報窮秋寄隱士

伏聞遊獵

奉和趙王喜雨

奉和趙王遊僊

奉和趙王惠酒

同會河陽公新造山池聊得寓目

有喜致醉

忝在司水看治渭橋

入彭城館

夢入內堂

和宇文內史入重陽閣

對酒歌

送吳法師葬

奉和泛江

將命至鄴肅祖正負

奉和趙王春日

和樂儀同苦熱

和裴儀同秋日

奉和闡弘二教應詔

幽居值春

歲晚出橫門

北園射堂新城

和宇文內史春日遊山

詠園花

郊行值雪

卧疾窮愁

見征客始還過獵

歸田

寒園即目

詩

奉和夏日應令

朱簾捲麗日翠幕蔽重陽五月炎氣蒸三時刻
漏長麥隨風裏熟梅逐雨中黃開冰待井水和
粉雜生香衫含蕉葉氣扇動竹花涼早菱生軟
角初蓮開細房願陪仙鶴舉洛浦聽笙簧

奉報窮秋寄隱士

王倪逢齒缺桀溺遇長沮藜床負日卧麥壠帶
經鋤自然曲木几無名科斗書聚花聊飼雀穿
池試養魚小村治澁路低田補壞渠秋水牽沙
落寒藤抱樹踈空枉平原騎來過仲蔚廬
伏聞遊獵

虞旗喜且晴獵馬向山橫石關魚貫上山梁鴈
岐行雪平尋兔跡林藂聽雉鳴馬嘶山谷響弓
寒桑柘鳴聞絃鳥自落望火獸虛驚無風樹即
正不凍水還平誰知茂陵下願入睢陽城

奉和趙王喜雨

玄霓臨日谷封蟻對雲臺投壺欲起電倚柱稍
驚雷白沙如濕粉蓮花類洗杯驚鳥洒翼度濕
鴈斷行來浮橋七星起高堰六門開猶言祀蜀
帝即似望荆臺厥田終上上原野自莓莓

奉和趙王遊僊

藏山還採藥有道德從師京兆陳安世成都李
意期玉京傳相鶴太乙授飛龜白石香心芋青
泥美熟芝山精逢照鏡樵客值圍碁石紋如碎
錦藤苗似亂絲蓬萊在何處漢后欲遙祠

奉報趙王惠酒

梁王脩竹園冠蓋風塵喧行人忽枉道直進桃
花源稚子還羞出驚妻倒閉門始聞傳上命定
是賜中樽野爐然樹葉山杯捧竹根風池還更
暖寒谷遂長暄未知稻梁鴈何時能報恩

同會河陽公新造山池聊得寓目

橫階仍鑿澗對戶卽連峰閭石疑藏虎盤根似
卧龍沙洲聚亂荻洞口碍橫松引泉恒數派開
巖卽十重北閣聞吹笛南隣聽擊鍾菊寒花正
合杯香酒絕濃由來魏公子今日始相逢

有喜致醉

忽見庭生玉聊欣蚌出珠蘭芬猶載寢蓬箭始
懸弧旣喜枚都尉還歡陵大夫頻朝中散客連
日步兵厨襍曲隨琴用殘花聽酒湏脆梨纔數
實甘查唯一株兀然已復醉搖頭歌鳳雛

忝在司水看治渭橋

大夫叅下位司職渭之陽富平移鐵鎖甘泉運
石梁跨虹連絕岸浮鼃續斷航春洲鸚鵡色流
水桃花香星精逢漢帝釣叟值周王平堤石岸
直高堰柳陰長羨言杜元凱河橋獨舉觴

入彭城館

襄君前建國項氏昔稜威鴟飛傷楚戰鷄鳴急
漢園年代殊氓俗風雲更盛衰水流浮磬動山
喧雙翟飛夏餘花欲盡秋近燕將稀槐庭垂綠
穗蓮浦落紅衣徒知日雲暮不見舞雲歸

夢入內臺

彫梁舊刻杏香壁本泥椒慢繩金麥穗簾釣銀
蒜條畫眉千度拭梳頭百遍撩小衫裁褱臂纏
絃摺抱腰日光鈿歌動窻影鏡花搖歌曲風吹
韻笙簧火炙調即今須戲去誰復待明朝

和宇文內史入重陽閣

北原風雨散。南宮容衛疎。待詔還金馬。儒林歸
石渠。徒懸仁壽鏡。空聚茂陵書。竹淚垂秋筍。蓮
衣落故蕖。顧成始移廟。陽陵正徙居。舊蘭憔悴
長殘花。爛熳舒別有昭陽殿。長悲故婕妤。

對酒歌

春水望桃花。春洲籍芳杜。琴隨綠珠借。酒就文
君取。牽牛向渭橋。日曝山頭脯。山簡接羅倒。王
戎如意舞。箏鳴金谷園。笛韻平陽塢。人生一百
年。歡笑唯三五。何處覓錢刀。求為洛陽賈。

送吳法師葬

龍泉今日掩石洞。即時封玉匣。摧談柄懸河落
辯鋒。香爐猶是栢塵尾。更成松郭門。未十里山
迴。已數重。尚聞香閣梵。猶聽竹林鍾。送客風塵
擁寒郊。霜露濃。性靈如不滅。神理定何從。

奉和泛江

春江下白帝畫舸向黃牛錦纜迴沙磧蘭橈避
荻洲濕花隨水汎空巢逐樹流建平船柝下荆
門戟艦浮岸社多喬木山城足迥樓日落江風
靜龍吟迴上游

將命至鄴肅祖正員

我皇臨九有聲教洎無堤興文盛禮樂偃武息
氓黎承乏驅騏驥旌旗事琬珪古碑文字盡荒
城年代迷被壠文瓜熟交騰香穗低投瓊實有
慰報李更無蹊

奉和趙王春日

城傍金谷苑園裏鳳凰池細管調歌曲長衫教
舞兒作人長眼臉由來薄面皮梅花絕解作樹
葉本能吹香烟龍口出蓮子帳中垂莫畏無春
酒湏花但見隨

和樂儀同苦熱

火井沉熒散炎洲高焰通鞭石未成雨鳴鳶不
起風思爲鸞翼扇願借明光宮臨淄迎子禮中
散就安豐美酒含蘭氣甘瓜開蜜筒寂寥人事
屏還得隱牆東

和裴儀同秋日

蕭條依白社寂寞似東皋學異南宮敬貧同北
郭騷蒙吏觀秋水菜妻紡落毛旅人嗟歲暮田
家厭作勞霜天林木燥秋氣風雲高栖遑終不
定方欲涕沾袍

奉和闡弘二教應詔

五明教已設三元法復開魚山將鶴嶺清楚兩
邊來香烟聚爲塔花雨積成臺空心論佛性真
氣辯僊才靈盤高掌滴風烏平翅迴無勞訪待
詔自識昆明灰

幽居值春

山人久陸沉幽逕忽春臨決渠移水堆開園掃
竹林欹橋久半斷崩岸始斜侵短歌吹細笛低
聲泛古琴錢刀不相及耕種且須心長門一紙
賦何處覓黃金

歲晚出橫門

年華改歲陰遊客喜登臨據鞍垂玉帖橫腰帶
水心冰弱浮橋沒沙虛馬跡深倚弓依石岸迴
牀向柳林智瓊來勸酒文君過聽琴明朝雲雨
散何處更追尋

北園射堂新成

軒臺聊可習僊的不難登轉箭初調箬橫弓先
望翔驚心一鴈落連臂兩猿騰直知王濟巧誰
覺魏舒能空心不死樹無葉未枯藤擇賢方至
此傳卮欣得朋

和宇文內史春日遊山

遊客值春輝金鞍上翠微風逆花迎面山深雲
濕衣雁持一足倚猿將兩臂飛戍樓侵嶺路山
村落獵圍道士封君達仙人丁令威煮丹於此
地居然未肯歸

詠園花

輓往春園傍聊過看菓行枝繁類金谷花雜興
河陽自紅無暇染真白不須粧燕送歸菱井蜂
街上蜜房非是金爐氣何關柏殿香裊衣偏定
好應持奉魏王

郊行值雪

風雲俱慘慘原野共茫茫雪花開六出冰珠映
九光還如駟玉馬暫似獵銀獐陣雲全不動寒
山無物香薛君一狐白唐侯兩驢驢寒關日欲
暮披雪渡河梁

卧疾窮愁

危慮風霜積窮愁歲月侵留蛇長疾首映弩屢
驚心稚川求藥錄君平問卜林野老時相訪山
僧或見尋有菊翻無酒無絃則有琴詎知長抱
膝獨爲梁父吟

見征客始還遇獵

貳師新受詔長平正凱歸猶言乘戰馬未得解
戎衣上林遇逐獵宜春暫合圍漢帝熊猶憤秦
王雉更飛故人迎借問舊念始依依河邊一片
石不復有支機

歸田

務農勤九穀歸來嘉一廛穿渠移水碓燒棘起
山田樹陰逢歇馬魚潭見灑船苦李無人摘秋
瓜不直錢社雞新欲伏原蠶始更眠今日張平
子翻爲人所憐

寒園即日

寒園星散居搖落小村墟遊僊半壁畫隱士一
牀書子月泉心動陽爻地氣舒雪花深數天水
牀厚尺餘蒼鷹斜望雉白鷺下看魚更想東都
外羣公祖二疎

庾開府詩集卷四

庾開府詩集卷五

詩

上益州上柱國趙王

二首

同州還

和從駕登雲居寺塔

遊僊

蒙賜酒

奉和趙王送峽中軍

和宇文京兆遊田

同顏大夫初晴

庭前枯樹

奉和趙王途中五韻

和山池

望野

山齋

舞

奉和示內人

奉和趙王美人春日 詠畫屏風詩二十首

將命使北初渡瓜步江

對宴齊使

聘齊秋晚館中丞酒反命河朔始入武州

詠春 和人日晚景宴昆明池

詠春近餘雪應詔

和吳法師遊昆明池二首

和王內史從駕狩 見遊春人

正旦蒙趙王賚酒 冬狩

舟中望月二首 別庾七入蜀

別周尚書弘正 別張洗馬樞

率爾成詠 晚秋

喜晴 和穎公秋夜

對雨 和濬池初成臨泛

荅王司空餉酒 奉荅賜酒

入道士館 擣衣

蒲州刺史使中山公許乞酒一車未送

衛王贈桑落酒 慨然成詠

就蒲州使君乞酒 奉和初秋

問疾封中錄 奉和賜曹美人

奉荅賜酒鵞

詠樹

鏡 梅花

奉和趙王看伎

詩

上益州上柱國趙王 二首

銅梁影棠樹石鏡寫褰帷
兩江恒漬錦雙嵐自
畫眉穿荷低晚葢衰柳掛殘絲
風流盛儒雅泉湧富文詞
無因同子淑暫得待臨淄

其二

寂寞歲陽窮蒼茫雲貌同鶴毛
飄亂雪車轂轉飛蓬鴈歸知
向暖鳥巢解背風寒沙兩岸白獵

火一山紅願想懸鶉弊時嗟漏巷空

同州還

赤岸繞新村青城臨綺門
范睢新入相穰侯始出蕃
上林催獵響河橋爭渡喧
竄雉飛橫澗藏狐入斷原
將軍高宴晚來過青竹園

和從駕登雲居寺塔

重巒千仞塔危磴九層臺
石關恒逆上山梁乍斗迴
塔下雲峰出窓前風洞開
隔嶺鍾聲度中天梵響來
于時欣侍從於此暫徘徊

遊僊

聊登玄圃殿更上增城山不知高幾里低頭看
世間唱歌雲欲聚彈琴鶴欲舞澗底不重花山
根一片雨婉婉藤倒垂亭亭松直堅

蒙賜酒

金膏下帝臺玉瀝在蓬萊僊人一遇飲承得兩
三杯忽聞桑葉落正值菊花開阮藉披衣進王
戎含笑來從今覓僊藥不假向瑤臺

奉和趙王送峽中軍

樓船聊習戰白羽試僞軍山城對卻月岸陣抵
平雲赤虵懸弩影流星抱劔文胡笳遙磬夜塞

馬闇嘶羣客行明月峽猿聲不可聞

和宇文京兆遊田

小苑禁門開長楊獵客來懸知畫眉罷走馬向
章臺澗寒泉反縮山晴雲倒回熊飢獨舐掌鴈
重自啣枝美酒餘杭醉芙蓉卽奉杯

同顏大夫初晴

夕陽寒水氣反景照河堤濕花飛未遠陰雲斂
向低燕燥還爲石龍殘更是泥香泉酌冷澗小
艇釣蓮溪但使心齊物何愁物不齊

庭前枯樹

當時金谷裏昔日平陵東布葉俱承露開花共
待風搖落一如此容華遂不同庭前生意盡井
上蠹心空匠者無勞顧擁腫難爲功

奉和趙王途中五韻

飄飄映軍幕出沒望連旗度雲還翊陣迴風即
送師峽路沙如月山峰石似眉村桃拂紅粉峯
柳被青絲錦城遙可望迴鞍念此時

和山池

樂官多暇豫望苑斲迴輿鳴笳陵絕限飛蓋歷
通渠桂庭花未落桐門葉半踈荷風灑浴鳥橋

影聚行魚日落含山氣雲歸帶雨餘

望野

試策千金馬來登五丈原有城仍舊縣無樹即
新村水向蘭池泊日斜細柳園涸渚通沙路寒
渠塞水門但得風雲賞何須人事論

山齋

寂寥尋靜室蒙蜜就山齋滴瀝泉澆路穹隆石
卧堦淺槎全不動盤根唯半埋碎珠墜晚菊細
火落空槐直置風雲慘彌憐心事乖

舞

洞房花燭明燕餘雙舞輕頓履隨踈節低鬟逐
上聲伴轉行初進衫飄曲未成鸞迴鏡欲滿鶴
顧市應傾已曾天上學詎是地中生

奉和示內人

然香鬱金屋吹管鳳凰臺春朝迎雨去秋夜隔
河來聽歌雲卽斷聞琴鶴倒回春窓刻鳳下寒
壁畫花開定取流霞氣時添承露杯

奉和趙王美人春日

直將劉碧玉來過陰麗華祗言滿屋裏併作一
園花新藤亂上格春水謾吹沙步搖釵梁動紅

綸被角斜今年逐春處先向石崇家

詠畫屏風詩二首

金鞍聚磧岸玉舳泛中流畫鷁先防水媒龍卽
負舟沙城疑海氣石岸似江樓崩槎時半沒壞
舸或空浮定是汾河上戈舩來試遊

其二

竟日坐春臺芙蓉承酒杯水流平澗下山花沿
谷開行雲數番過白鶴一雙來水影搖蓼竹林
香動落梅直上山頭路羊腸能幾迴

其三

浮橋翠蓋擁平旦應門開石崇迎客至山濤載
妓來水紋恒獨轉風花直亂迴誰能惜紅袖迎
用捧金杯

其四

停車小苑外杯酒長橋前澁菱迎擁楫平荷直
蓋船殘絲繞折藕芰葉映低蓮遙望芙蓉影只
言水底然

其五

逍遙遊桂苑寂絕到桃源狹石分花逕長橋映
水門管聲驚百鳥人衣香一園定知歡未足橫

琴坐石根

其六

三春冠蓋聚八節絃管遊石險松橫值岩懸澗
豎流小橋飛斷岸高花出迥樓定須催十酒將
來宴五侯

其七

高閣千尋起長廊四注連歌聲上扇月舞影入
琴絃澗水繞窗外山花即眼前但願長歡樂從
今盡百年

其八

日晚金槌路朱軒流水車轆拂綠堤柳薨飄夾
路花定迎劉碧玉將過陰麗華非是高陽路莫
畏接羅斜

其九

徘徊出桂苑徙倚就花林下橋先歡酒跂石始
調琴蒲低猶抱節竹短未空心絕愛猿聲近唯
憐花逕深

其十

千尋木蘭館百尺芙蓉堂落日低蓮井行雲礙
女梁流水桃花色春洲杜若香上階猶不進催

來就伎牀

其十一

出沒看臺殿間關望綺羅翔禽逐節舞流水赴
絃歌細管吹襲竹新林卷半荷南宮冠蓋下日
暮風塵多

其十二

玉押珠簾捲金鈎翠幔懸荷香薰水殿閣影入
池蓮平沙臨浦口高柳對樓前上橋還倚望遙
看採菱船

其十三

高閣千尋跨重簷百丈齊雲度三分近花飛一倍低吹簫迎白鶴照鏡舞山雞何勞愁日暮未有夜鳥啼

其十四

河流值淺岸歛轡暫經過弓衣濕濺水馬足亂橫波半城斜出樹長林直枕河今朝游俠客不畏風塵多

其十五

度橋猶徙倚坐石未傾壺淺草開長埒行營繞細厨沙洲兩鶴迴石路一松孤自可尋丹竈何

勞憶酒壚

其十六

上林春逕密浮橋柳路長龍媒逐細草鶴影映垂楊水似桃花色山如甲煎香白石春泉上誰能待月光

其十七

白石春泉滿黃金新埒開戚里車先度蘭池馬即來落花承舞席春衫拭酒杯行厨半路待載妓一雙回

其十八

將軍息邊務校尉罷從戎池臺臨戚里絃管入
新豐浮雲隨走馬明月逐彎弓比來多射獵唯
在上林中

其十九

三危上鳳翼九坂度龍鱗路高山裏樹雲低馬
上人懸巖泉溜響深谷鳥聲春住馬來相問應
知有姓秦

其二十

聊開鬱金屋暫對芙蓉池水光連岸動花風合
樹吹春杯猶襍泛細果尚連枝不畏歌聲盡先

看箏柱歎

其二十一

洞靈開靜室雲氣滿山齋古松栽數樹盤根無
半埋愛靜魚爭樂依人鳥入懷仲春徵隱士蒲
輪上計偕

其二十二

今朝好風日園苑足芳菲竹動蟬爭散連搖魚
暫飛面紅新著酒風晚細吹衣跂石多時望蓮
船始復歸

奉命使北初渡瓜步江

校尉始辭國樓船欲渡河
輜軒臨磧岸旌節映江沱
觀濤想唯蓋爭長憶干戈
雖同燕市泣猶聽趙津歌

對宴齊使

歸軒下賓館送蓋出河堤
酒正離悲促歌工別曲
悽林寒木皮厚沙迥鴈飛低
故人儻相訪知予已執珪

聘齊秋晚館中丞酒

欣茲河朔飲對此洛陽才
殘秋欲屏扇餘菊尚浮杯
漳流鳴二水日色下三臺
無因侍清夜同

此月徘徊

反命河朔始入武州

輕車初逐李定遠未隨班
受詔祁連反申威踈勒還
飛蓬損腰帶秋鬢落容顏
寄言舊相識知余生入關

詠春

昨夜鳥聲春驚鳴動四隣
今朝梅樹下定有詠花人
流星浮酒泛粟瑱繞杯脣
何勞一片雨喚作陽臺人

和人日晚景宴昆明池

餘春足光景趙李舊經過上林棗腰細新豐酒
泛多小船行釣鯉新盤待摘荷蘭臯徒稅駕何
處有凌波

詠春近餘雪應詔

送寒開小苑迎春入上林絲條變柳色香氣動
蘭心待花將對酒留客擬彈琴陪遊愧並作空
見奉恩深

和灵法師遊昆明池

二首

遊客重相懽連鑣出上蘭值泉傾蓋飲逢花駐
馬看平湖泛玉軸高堰歇金鞍半道聞荷氣中

流覺水寒

其二

秋光麗晚天鷁舸泛中川密菱障浴鳥高荷沒
釣船碎珠縈斷菊殘絲繞折蓮落花催十酒栖
鳥送一弦

和王內史從駕狩

冬狩出離宮還過獵武功澗橫偏碍馬山虛絕
響弓更羸承落鴈韓盧鬪螫熊猶開三面網誰
肯一山重

見遊春人

長安有狹斜金穴盛豪華連杯勸上馬亂果擲
行車深紅蓮子艷細錦鳳凰花那得學噉酒無
趣似樂巴

正旦蒙趙王賚酒

正旦辟惡酒新年長命杯柏葉隨銘至椒花逐
頌來流星向椀落浮蟻對春開成都已救火蜀
使何時來

冬狩月四韻連句應詔

三川羽檄馳六郡良家選觀兵細柳城校獵長
楊苑驚雉避鷹飛騰猿看箭轉鳴笳河曲還猶

憶南皮反

舟中望月 二首

清照

舟子夜離家開船望月華山明疑有雪岸白不
關沙天漢看珠蚌星橋視桂花灰飛重暈闕莫
落獨輪斜

其二

夜光流未曙金波影尚賒照人非七子含風異
九華莫新半壁上桂滿獨輪斜乘舟聊可望無
假逐僊槎

別庾七入蜀

峻嶺拂陽烏。長城連蜀都。石銘懸劍壁。沙洲聚
陣圖。山長半腹斷。樹古中心枯。由來兄弟別。共
念一荆株。

別周尚書弘正

扶風石橋北。函谷故關前。此中一分首。相逢知
幾年。黃鵠一返顧。徘徊應愴然。自知悲不已。徒
勞減瑟絃。

別張洗馬樞

別席慘無言。離悲兩相願。君登蘇武橋。我見楊
朱路。關山負雪行。河水乘冰渡。願子著朱鷺。知

余在玄菟

率爾成詠

昔日謝安石。求爲淮海人。彷彿新亭岸。猶言洛
水濱。南冠今別楚。荆玉遂遊秦。倘使如楊僕。寧
爲關外人。

晚秋

凄清臨晚景。踈索望寒階。濕庭凝墜露。搏風捲
落槐。日氣斜還冷。雲峰晚更霾。可憐數行鴈。點
點遠空排。

喜晴

比日思光景今朝始暫逢雨任便生熟雲晴即
作峰水白澄還淺花紅燥更濃已歡無石燕彌
欲棄土龍

和穎公秋夜

初學作上官儀詩

次寥空色遠葉黃淒序變洞浦落遵鴻長颺送
巢燕千秋流夕景百籟含宵轉嶮雉聆金析曾
臺切銀箭

對雨

繁雲猶暗嶺積雨未開庭堦含侵角路鏤滿漚
疏蒨濕楊生細榭爛草變初螢徒勞看封蟻無

事祀靈星

和濬池初成清晨臨泛

千金高堰合百頃浚源開翻逢積草浪更識昆
明灰猿嘯風還急鷄鳴潮即來時看青雀舫遙
逐桂洲迴

荅王司空褒餉

今日小園中桃花數樹紅開君一壺酒細酌對
春風未能浮畢卓猶足舞王戎僊人一捧露判
不及杯中

奉荅賜酒

僊童下赤城僊酒餉王平野人相就飲山鳥一
群驚細雪翻沙下寒風戰鼓鳴此時逢一醉應
枯反更榮

入道士館

金華開八景玉洞上三危雲袍白鶴度風管鳳
凰吹野衣縫蕙葉山中蔡笋皮何必淮南館淹
留攀桂枝

擣衣

擣衣明月下靜夜爍風飄錦石平砧面蓮房接
杵腰急節迎秋韵新聲入手調寒衣須及早將

寄霍嫖姚

蒲州刺史使中山公許乞酒一車未送

細柳望蒲臺長河始一廻秋來幾過葉春蟻未
曾開瑩角非難馭椎輪稍可催只言千日飲舊
逐中山來

衛王贈桑落酒奉荅

愁人坐狹邪喜得送流霞跋窻催酒熱停杯待
菊花霜風亂飄葉寒水細澄沙高陽今日晚應
有接羅斜

慨然成詠

新春光景麗遊子別離情交讓未全死梧桐唯
半生值熱花無氣逢風水不平寶雞雖有祀何
時能更鳴

就瀟州使君乞酒

蕭瑟風聲慘蒼茫雲貌愁鳥寒栖不定池凝聚
未流蒲城桑葉熟灞岸菊花秋願持北河飲分
勸東陵侯

奉和初秋

落星初伏火秋霜正動鍾北閣連橫漢南宮映
鑿龍祥鸞栖竹實靈蔡上芙蓉自有南風曲還

來吹九重

問疾封中錄

形骸違學宦狹巷幸為閒虹迴或有雨雲合又
含寒橫湖韻鶴下迴溪挾援還懷賢為榮衛和
緩惠何純

奉和賜曹美人

月光如粉白秋露似珠圓絡緯無機織流螢帶
火寒何年迎弄玉今朝得夢蘭訝許能含笑芙
蓉宜孰看

奉荅賜酒鵝

雲光偏亂眼風聲特噤心冷猿披雪嘯寒魚抱
凍沉今朝一壺酒寔是勝千金負恩無以謝惟
知就竹林

詠樹

交柯乍百頃擢本或千尋楓子留爲式桐絲待
作琴殘核移桃種空花植棗林幽居對蒙密蹊
逕轉深沉

鏡

玉匣聊開鏡輕灰暫拭塵光如一片水影照兩
邊人月生無有桂花開不逐春試挂淮南竹堪

能照四隣

梅花

常年臘月半已覺梅花闌不信今春晚俱來雪
裏看樹動懸冰落枝高出手寒早知覓不見真
悔著衣單

奉和趙王看伎

綠珠歌扇薄飛燕舞衫長琴曲隨流水簫聲逐
鳳凰細縷纏鍾格圓花釘鼓牀懸知曲不誤無
事畏周郎

庾開府詩集卷五

庾開府詩集卷六

詩

奉和平鄴應詔

和江中賈客

山中

野步

途行賦得四更

弄琴二首

題結綫袋子

集周公處連句

烁日

對酒

奉梨

送衛王南征

奉和趙王

春日極酒

閨怨

贈別

春望

聽歌

徐報使來止得一相見

看舞

移樹

忽見檳榔

山齋

和淮南公聽琴聞絃斷

新月

僊山二首

賦得鸞臺

暮秋野興賦得傾壺

酒傷往二首

和侃法師三絕

賦得荷

集池鴈二首

塵鏡

詠羽扇

寄王琳

和劉儀同臻

和庾四

寄徐陵

送周尚書弘正二首

春日離合二首

重別周尚書

望渭水

和趙王看伎

和迴文

詠桂

示封中錄二首

詠杏花

代人傷往二首

秋夜望單飛鴈

詩

奉和平鄴應詔

天策引神兵風飛掃鄴城陣雲千里散黃河一代清

和江中賈客

五兩開船頭長橋發新浦懸知岸上人遙振江中鼓

山中

澗暗泉偏冷岩深桂絕香住中能不去非獨淮南王

野步

值泉仍飲馬逢花即舉杯稍看城闕遠轉見風

雲來

行途賦得四更應詔

四更天欲曙落月垂關下深谷暗藏人欹松橫碍馬

弄琴二首

雉飛催晚別鳥啼驚夜眠若教新曲變惟須促一絃

其二

不見石城樂惟聞鳥噪林新聲逐絃轉應得動春心

題綫結袋子

交絲結龍鳳，鏤彩織雲霞。一寸同心縷，千年長命花。

集周公處連句

市朝一朝變，蘭艾本同焚。故人相借問，平生如所聞。

秋日

蒼茫望落景，羈旅對窮愁。賴有南園菊，殘花足解愁。

對酒

數杯還已醉，春風不復知。唯有龍吟笛，桓伊能獨吹。

奉梨

接枝秋轉脆，含銷落更香。擎置僊人掌，應甜共露漿。

送衛王南征

望水初橫陣，移營寇未降。風塵馬足起，先暗廣陵江。

春和趙王

花逕自相携，花林鳥未棲。比看中郎醉，堪聞烏

夜啼

春日極飲

檻前聞鳥轉園裏對花開就中言不醉紅袖捧
金杯

閨怨

明鏡圓花發空房故怨多幾年留織女還應聽
渡河

贈別

藏啼留送別拭淚強相參誰言畜衫袖長代手
叩含

春望

春望上春臺春窓四面開落花何假拂風吹會
併來

聽歌

協律新教罷河陽始學歸但令聞一曲餘聲三
日飛

徐報使來止得一相見

一百還千里相思那得論更尋終不見無異桃
花源

看舞

鸞迴不假學鳳舉自相關到嫌衫袖廣恒長礙
舉鬟

移樹

酒泉移赤柰河陽徙石榴雖言有千樹何處似
封侯

忽見檳榔

綠房千子熟紫穉百花開莫言行萬里曾經相
識來

山齋

石影橫臨水山雲半繞峯遙想中山店懸知春

酒濃

和淮南公聽琴聞絃斷

嗣宗看月夜中散對行雲一絃雖獨韻猶足動
文君

新月

鄭環唯半出秦鈎本獨懸若教臨酒影堪言照
琴弦

僊山二首

金竈新和藥銀臺舊聚神相看但莫怯先師應
識人

其二

石軟如香飯。鉛銷似熟銀。蓬萊暫近別。海水逐成塵。

賦得鸞臺

九成吹玉瑄。百尺上瑤臺。能將秦女去。終是鳳凰來。

暮秋野興賦得傾壺酒

劉伶正促酒中散。欲彈琴但使逢秋菊。何須就竹林。

傷往二首

見月長垂淚。看花即斂眉。從今一別後。知作幾年悲。

其二

鏡塵言苦厚。虫絲定幾重。還是臨窓月。今秋廻照松。

和僧法師前後三絕

秦關望楚路。灞岸想江潭。幾人應落淚。看君馬向南。

其二

客遊經歲月。羈旅故情多。近學衡陽鴈。秋分俱

渡河

其三

迴首河堤望眷眷嗟離絕誰言舊國人。到在他鄉別。

賦得荷

秋衣行欲製風蓋漸應歆若有千年蔡湏巢但見隨

集池鴈二首

逢風時迥度逐侶乍爭飛猶憶方塘水今殊已復歸

其二

南思洞庭水北想鴈門關稻梁俱可戀飛去復飛還

塵鏡

明鏡如明月恒長置匣中何須照兩鬢終是一秋蓬

詠羽扇

搖風碎朝翮拂汗落毛衣定似回谿路將軍垂翅歸

寄王琳

玉關道路遠金陵信使踈獨下千行淚開君萬里書

和劉儀同臻

南登廣陵岸迴首落星城不言臨舊浦烽火照江明

和庾四

離關一長望別恨幾重愁無防對春日懷抱只言秋

寄徐陵

故人倘思我及此平生時莫待山陽路空聞吹

笛悲

送周尚書弘正 二首

交河望合浦玄菟想朱鳶共此無期別應知復幾年

其二

離期定已促別淚轉無從唯愁郭門外應足數株松

春日離合 二首

秦青初變曲 遂琴心明年花樹下月月來相尋

其二

田家足閑假士友暫留連三春竹葉酒一曲鷓
雞絃

重別周尚書

陽關萬里道不見一人歸唯有河邊鴈年年南
向飛

望渭水

樹似新亭岸沙如龍尾灣猶言吟暝浦應有落
帆還

和趙王看伎

余興逸
江寧鎮
見風土
石好類
長安反

長思浣沙石定憶擣衣砧臨邛若有便為說解
琴心

和廻文

早蓮生竭鑊嫩菊養秋隣滿池留浴鳥分橋上
戲人

詠桂

南中有八桂繁華無四時不識風霜苦安知零
落期

示封中錄二首

貴館居金谷關扃隔藁街冀君見果顧郊間光

景佳

其二

高階旣激澗廣閣更交柯
葛巾久垂角菊逕簡經過

詠杏花

春色方盈野枝枝綻翠英
依稀映村塢爛熳開山城
好折待賓侶金盤襯紅瓊

代人傷往二首

青田松上一黃鶴相思樹
下兩鴛鴦無事交渠更相識
不及從來莫作雙

其二

襍樹本推金谷苑諸花舊滿睢陽城
正是古來歌舞處今日看時無地行

秋夜望單飛鴈

失羣寒鴈聲可憐夜半單飛在月邊
無柰人心復有憶今夕將渠俱不眠

